

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Themistio philosopho, & quòd post habitam ab eo coram Valente
orationem, aliquanto moderatius Christianos insectatus est, & ex qua
occasione Gotthi temporibus Valentis, Christianam fidem ...

urn:nbn:de:hbz:466:1-12704

S O C R A T . H I S T O R .

Magno in matrimonium collocata fuit: ex qua Pacidia filia ei nata est. Nam Arcadium & Honorium ex Placida prior suscepit coniuge. Verum de Theodosio, & liberis suo loco dicetur.

De Themistio philosopho, & quod post habitam ab eo coram Valente orationem, aliquanto moderatius Christianos insectatus est, & ex qua occasione Gotthi temporibus Valentis, Christianam fidem susceperint. C A P . XXVII.

VAlens qui Antiochiæ ætatem degebat, quamquam à bello gerendo cum exteris acquieuit (Barbari enim vbique se suarum regionum finibus continebant) in eos tamen, quos videret in fide Consuetudinis constanter perseverare, impetum fecit, inq; dies singulos grauiora contra eos usque eo excogitare supplicia non destitit, quoad ferox eius animus oratione Themistij philosophi, quam apud illum habuit, mansuetior placabiliorq; factus esset: in qua Themistius Imperatorem admonebat, ne qua ipsum caperet admiratio de Christianorum in religione dissentione: eam enim peregrinam esse, si cum multitudine ac turba opinionū, quæ sunt apud gentiles philosophos (sunt enim amplius trecentę, & dissentio inter eos permagna est propter de creta, quibus quæque secta quasi necessariò tenetur astricta) comparetur, Deumq; velle tam diuersa ac dispari opiniorum ratione suam gloriam illustrare, quo singuli eius magistratem propterea magis reuereantur, quod non sit cuiq; in promptu eum accurate cognoscere. His verbis, & alijs eius generis à Philosopho apud illum usurpatis, quamquam cœpit esse paulo mitior comiorq;, tamen non omnem iracū dīæ æstum omnino sedauit, sed viros sacris initiatos loco mortis usque eo multauit exilio, quoad iste eius conatus, tali casu esset forte cōpreslus. Barbari trans Istrum incolentes, qui appellantur Gotthi, bello intestino inter ipsos concitato, in duas factiones diuisi fuerunt: quarum alteri Phritigernes, alteri Athanarichus præfuit. Cum autem Athanarichus videretur superiores partes obtinere, Phritigernes ad Romanos auxiliū contra aduersarium petendi gratia profugit,

fugit. De quibus rebus Valens certior factus, dat mandatum militibus, qui versabatur in Thracia, ut Barbaris contra Barbaros dimicatis subsidiò esset. Illi itaque; hostibus in fugâ cōuerſis, trans Istrum cōtra Athanarichum sunt victoriâ cōſe cuti. Quae causa fuit permultis Barbaris fidem Christianâ recipiendi. Nam Phritigernes, quo pro beneficio accepto Imperatori gratiâ referre posset, eius religionē aplexari cœpit, suosque ad idem faciendumhortari. Atque ea ob causâ complures Gotthi, qui tum, quo Imperatoris voluntati obsecundarent, se sectæ Arianae addixerant, ad hoc usque tempus eidem adhærescunt. Eodem tempore Vlphilas Gotthorum Episcopus literas Gotthicas inuenit: atque ut primū, sacrâ scripturam in eorū linguâ cōuerterat, instituit animo, uti barbari illi sancta Dei eloquia perdisserent. Simul atque; verò Vlphilas eos nō solū, qui Phritigerni, verū etiam, qui Athanaricho parebant, religionē Christianâ docuerat, Athanarichus permultos, qui fidem Christi profitebatur, perinde ac si patria sua religionis instituta per eos fuisset adulterata, grauibus affecit supplicijs: ita ut Barbari nōnulli exfecta Ariana tū martyres fierent. Verum Arius cū Sabellij errori non posset resistere, ex recta fide lapsus excidit, & filium dei nuper genitum esse tradidit: at barbari animo simplici religionem Christianâ amplexi, pro fide Christi vitam, qua hic trubabantur, profundere non dubitarūt. Sed de Gotthis ad fidem Christi conuerſis, hæc quidem ad hunc modum.

Quod Gotthi ab alijs Barbaris sedibus suis electi ad Romanorum fines confugerunt, qui ab Imperatore suscepisti, postea subuersiois Romani imperij & ipsius Imperatoris, causa extiterunt, & quod Imperator dum totus in cogitatione belli contra Gotthos foret, bellum contra Christianos remissiore animo gerebat.

CAP. XXVIII.

Breui tempore post Barbari illi, amicitia inter ipsos mutuò cōcilitata, ab alijs barbaris vicinis suis, qui Hungari vocabantur, expugnati, suaque; regionis finibus exturbati, ad Romanorum ditionem confugere, Imperatori